

KANTIK

ENN ENOR DA ZANT GILLY



Per unu, perla ne nozis, gava ouz Oñon xant Gilly

Siñout ar gourmua pe pozouin, ne heus eave ilo kicoo in

Souler a gava ixe se e'mplesse ouz senevez io vav

VOAR DÔN : *Goude beza communiet.*

I.

Diredomp oll, Kernevadiz, diredomp da zant Gilly :
 Kânomp d'ezhan a greiz kalon mil bennoz ha meulodi :
 A bell-zo ez eo hon Patron, hag ar brasan burzudou
 N'ez lies diskoeût d'hon tud koz he c'hallooud 'bars ann envou.

II.

Pa vê ziouaz ! krog ann tân-goal, ar mestr kouls hag ar merer
 Prim e promet d'hon Patron mad eunn ijen, eunn annouer ;
 Ha raktal ar zant gallouduz, d'euz lein ann env o pedi,
 A voug ann tân hag a bella pep sort goalen a gasti.

III.

Ann den voar he vélé staget gand ann droug elvou krizuz,
 Trese zant Gilly 'ra eur zell hag eur beden druezuz :
 Mond a raï da iliz ar zant 'pad eunn neubet bloaveziou,
 Ha goude en devo iec'ched ha bep sort bennoziou.

IV.

Ar vamm enn kichen eur c'havel zo noz de oc'h hirvoudi
 Gand eur bugel meurbet karet, skoet gand eur c'hlenvet kri :
 Kleved a ra enn-dro d'ezhi ann oll ziouaz ! o laret :
 Ar bugelik zûr e varvo ; diremed eo ar c'hlenvet —

V.

Mès pa n'esper ken ar re all, ar vamm a esper bepred,
Rak enn-hoc'h e deuz confians, o zant Gilly binniget;
Ouz-hoc'h e tro he daoulagad, hag ar bugel zo pare :
Gand eur musc'hoarz voar he c'henno e sav di-war he vele.

VI.

Peb unan, herve he zoare, 'gav enn Otrou zant Gilly
Sikour da c'houzany he boaniou, ha ners evid ho zrec'hi :
Skouer a gav ive ar c'christen enn zantelez he vue ;
Ha nep a gers voar he roujou a zo zûr voar hent ann ee.

VII.

Pegen euruz eo ar barrouz hag e deuz evit Patron
Eur zant a zo ken gallouduz ha ken tener he galon.
Bepred eo evid-omp eunn tad ; ober vad da bep unan
A zo breman evel gwêch-all he blijadur ar vrasan.

VIII.

Eur beden arôg ho kuitat, d'hac'h-hu, Patron euruz !
Goude hon beach er bed-man hon presantet da Jezuz.
Laket enn balans hon Doue ho peden gand hon foaniou,
Hag epad ann eternite ni ho meulo enn envou.

Y.-M. BERCOT, PERSON

Sant Gilly-Pligeaux.

Permetti a reomp moula ar c'chantik-man enn enor da zant Gilly.

A. CHATTON, VIKEL VRAZ.

Zant-Brieck, 23 a viz eost, 1882.